



# Deddf Safonau a Threfniadaeth Ysgolion (Cymru) 2013

2013 dccc 1

## RHAN 3

### TREFNIADAETH YSGOLION

## PENNOD 3

### RHESYMOLI LLEOEDD YSGOL

*Cynigion gan Weinidogion Cymru i resymoli lleoedd ysgol*

#### **59 Gwneud a chyhoeddi cynigion gan Weinidogion Cymru**

- (1) Mae'r adran hon yn gymwys pan fo—
  - (a) Gweinidogion Cymru wedi gwneud cyfarwyddyd o dan adran 57(2), a
  - (b) naill ai—
    - (i) cynigion wedi eu cyhoeddi'n unol â'r cyfarwyddyd, neu
    - (ii) yr amser a ganiatwyd o dan y cyfarwyddyd ar gyfer cyhoeddi'r cynigion wedi dirwyn i ben.
- (2) Caiff Gweinidogion Cymru wneud unrhyw gynigion y gellid fod wedi eu gwneud yn unol â'r cyfarwyddyd.
- (3) Rhaid i'r cynigion gael eu cyhoeddi'n unol â'r cod a ddyroddwyd o dan adran 38(1) ac sydd mewn grym am y tro.
- (4) Rhaid i Weinidogion Cymru anfon copi o'r cynigion—
  - (a) at yr awdurdod lleol ar gyfer yr ardal, a
  - (b) at gorff llywodraethu pob ysgol y mae'r cynigion yn ymwneud â hwy.